

D+S

M

**Lodas**

17 dimanche o. C

NF p. 323

Paroles et musique : 30 juillet 1995  
S. Pierre Chrysologue

- |   |   |
|---|---|
| <b>R. Fò-ou mandé, y-ap ba ou,<br/>Fò-ou chèché, ou-ap rivé jouinn,<br/>Fò-ou mandé, y-ap ba ou,<br/>Fò-ou frapé, pòt ap louvri.</b>                              | Lc 11, 9 ; Mt 7, 7 ; Jn 14, 13-14                         |
| 1. Fò-ou rabésé plat atè pou-ou kap mandé,<br>Fò-ou gin lodas pou-ou chèché nan fon nan nuit,<br>Fò-ou insisté pou-ou frapé lè pòt fèmin.<br>Mandé, y-ap ba ou.   | Lc 11, 5-8 ; 18, 1-8                                      |
| 2. Abraam t-ap fè jis pri ak Granmèt la,<br>Si-l jouinn sinkant moun kòrèk nan vil Sodòm.<br>Li désann jous nan dis moun, min li rét la.<br>Mandé, y-ap ba ou.    | Gn 18, 16-33  |
| 3. Moyiz té pran lapriyè pou Israèl,<br>Ki t-ap adoré zidòl nan plas Bondié.<br>Bondié kouté lapriyè Moyiz t-ap fè.<br>Mandé, y-ap ba ou.                         | Ex 32, 11-14  |
| 4. Éli rét sou mòn Karmèl, l-ap lapriyè,<br>Pou Bondié voyé lapli sou Israèl.<br>Yon nuaj monté, li gonflé, lapli tonbé.<br>Mandé, y-ap ba ou.                    | Jc 5, 17 ; 1 R 17, 1. 7 ; 18, 41-46 ; Si 48, 2-3          |
| 5. Mari invité nan nòs, nan bouk Kana,<br>Li lapriyè pou-l mandé Jézu divin,<br>Jézu kouté lapriyè-l, li fè mirak.<br>Mandé, y-ap ba ou.                          | Jn 2, 1-11  |
| 6. Jézu lapriyè anndan-n antan-l sé Tèt,<br>Li lapriyè pou nou tou antan-l gran-Prèt,<br>Nou-minm tou nou lapriyè-l antan-l Bondié.<br>Mandé, y-ap ba ou.         | Col 1, 18<br>Jn 17, 1-26<br>Lc 23, 42                     |
| 7. Nou pa konn sa pou-n mandé pou-n satisfè,<br>Léspri Sin-an ap plédé kòz nou pou nou,<br>Sé Li-Minm minm pou-n mandé nan lapriyè-n.<br>Mandé, y-ap ba ou.       | Rm 8, 26<br>Lc 11, 13                                     |
| 8. Bondié kréyé-n : sé pou-n gin dé min nou vid,<br>Li anfanté-n : sé pou-n gin konfians nan li,<br>Li marié ak nou : sé pou-n kolé koté-l.<br>Mandé, y-ap ba ou. | Dt 1, 31 ; Ac 13, 18 ; Os 11, 1 ; Ps 131, 2<br>2 Co 11, 2 |